



სერბეთში რუსეთის სულიერი კულტურის დღეების დახურვის ცერემონია სრემსკი კარლოვცში გაიმართა



სსკგ-ის კომუნიკაციის სამსახური, 10.10.2025. 8 ოქტომბერს, სერბეთში რუსეთის სულიერი კულტურის დღეების ზეიმის დასკვნით დღეს, რომელიც მანამდე სერბეთის ქალაქებში – ვრანიეში, პიროტში, ნიშში, ალექსინაცსა და ბელგრადში გაიმართა, ქ. სრემსკი კარლოვცის კულტურის ცენტრ „ვიდიკოვაცში“ შედგა სრეტენიეს მონასტრის გუნდისა და ლ.გ. ზიკინას სახელობის სახელმწიფო აკადემიური რუსული ფოლკლორული ანსამბლის, „როსიას“ გამოსვლა. ცენტრში ასევე გაიხსნა კიუის სახელმწიფო ისტორიული, არქიტექტურული და ეთნოგრაფიული მუზეუმ-ნაკრძალის გამოფენა სახელწოდებით „კიუი – რუსეთის აღორძინებული შედეგრი“.

ლონისძიებებში მონაწილეობა მიიღეს სრემსკი კარლოვცის მერმა დრაჟენ ჯურჯიცმა, ბელგრადში რუსული სახლის დირექტორმა ე.ა. ბარანოვმა, მოსკოვის საპატრიარქოს საგარეო საეკლესიო კავშირების

განყოფილების თანამშრომელმა მღვდელმა ანდრია ტიტუშკინმა, ადგილობრივმა მოქალაქეებმა და რუსმა თანამემამულეებმა.

9 ოქტომბერს, კარლოვცის სასულიერო სემინარიაში ასევე გაიმართა მასტერ-კლასი სრეტენიეს მონასტრის გუნდის სოლისტების მიერ სასწავლებლის პროფესორებისა და სტუდენტებისთვის.

რუსეთის სულიერი კულტურის დღეები რუსეთის ფედერაციის კულტურის სამინისტროს უნიკალური პროექტია, რომელიც მიზნად ისახავს რუსი ხალხის სულიერი და ზნეობრივი ღირებულებების და რუსული კულტურისა და ხელოვნების სიმდიდრის პოპულარიზაციას საზღვარგარეთ. პროექტი ხორციელდება რუსეთის საგარეო საქმეთა სამინისტროსთან და რუსეთის მართლმადიდებელ ეკლესიასთან მჭიდრო თანამშრომლობით.

მისი ორგანიზატორია ავტონომიური არაკომერციული ორგანიზაცია «Русские сезоны».

2008 წლიდან რუსეთის სულიერი კულტურის დღეების ღონისძიებებმა დაახლოებით მსოფლიოს 50 ქვეყანა მოიცვა.